

Jakob Orri Jónsson
Háskóli Íslands
Sæmundargötu 2
101 Reykjavík



Reykjavík 5. ágúst 2016
UST201606-136/S.P.
09.05.01

Efni: Umsókn um rannsóknaleyfi - Hólahólar - öskuhaugur

Umhverfisstofnun hefur mótttekið umsókn Jakobs Orra Jónssonar, fyrir hönd Háskóla Íslands, dags. 15. júní 2016, um rannsóknarleyfi innan Hólahóla, sem staðsettir eru innan þjóðgarðsins Snæfellsjökuls.

Þjóðgarðurinn Snæfellsjökull var stofnaður 28. júní 2001 og um hann gilda ákvæði 47. og 82. gr. laga um náttúruvernd, nr. 60/2013, auk ákvæða reglugerðar nr. 568/2001 um þjóðgarðinn Snæfellsjökul. Umhverfissráðherra staðfesti verndaráætlun þjóðgarðsins Snæfellsjökuls 15. júní 2010 í samræmi við 22. gr. reglugerðarinnar. Öllum er skylt að ganga vel og snyrtilega um þjóðgarðinn. Hvorki má spilla þar gróðri, trufla dýralíf né hrófla við jarðmyndunum.

Lýsing framkvæmdar:

Sótt er um rannsóknarleyfi við tún Hólahóla. Áætlað er að rannsóknin fari fram í þrjú daga á tímabilinu 8. til 26. ágúst n.k. Fjórir þátttakendur taka þátt í rannsókninni og er tilgangur rannsóknarinnar að staðsetja og rannsaka öskuhaug bæjarins að Hólahólum til að kanna félagslega stöðu bæjarins sem og neysluvenjur ábúenda í fortíð. Áætlað er að leita öskuhaugs með kjarnabor og grafa könnunarskurð í öskuhauginn, mest um 3x1m að stærð. Ekki er áformað að leggjast í rannsóknir á einstaka tóftum og mun bor ekki vera beitt í tóftir eða innan tófta á bæjarhólnum. Staðsetningin mun fara eftir aðstæðum innan túns Hólahóla. Torfi verður flett ofan af með handverkfærum og könnunarskurðurinn verður grafinn upp með múrskleidum í einingakerfi. Allt uppgrafið efni verður sigtað með 5mm sigti. Við lok rannsóknar verður skurðurinn fylltur með því efni sem grafið var upp og honum lokað með því torfi sem rist var ofan af. Engin vélknúin tæki verða notuð en nauðsynlegt verður að fara út fyrir göngustíg sem liggur í gegnum tún Hólahóla. Þar sem leitað verður eftir öskuhaug Hólahóla mun staðsetning boranna og skurðar fara eftir aðstæðum innan túnsins. Því er ekki hægt að gefa upp nákvæma staðsetningu.

Áhrifamat:

Mannvirkjagerð, efnistaka og hvers konar annað jarðrask innan þjóðgarðsins Snæfellsjökuls er háð leyfi Umhverfisstofnunar, sbr. 18. gr. reglugerðar, nr. 568/2001.

Verndargildi þjóðgarðsins felst m.a. í menningarminjum frá þeim tíma þegar gert var út á árabátum frá verstöðvum víða við ströndina. Tryggja þarf að menningarminjar séu verndaðar m.a. með því að stuðla að skráningu, rannsóknum og fræðslu, og sjá til þess að hvergi sé við þeim hróflað nema með

samþykki viðkomandi stjórnvalds, Fornleifaverndar ríkisins. Meðal verkefna sem lögð eru til í verndaráætlun þjóðgarðsins:

- Halda þarf áfram skráningu minja innan þjóðgarðsins eftir því sem þörf er á og kanna hvar er þörf á endurskráningu minja vegna þess hversu þéttar þær eru.
- Kortleggja fornleifar innan þjóðgarðsins, þar með taldar fornar leiðir.
- Lendingar og aðrar menningarminjar við ströndina verði mældar upp og kortlagðar.
- Upplýsa þarf gesti þjóðgarðsins um menningarminjar með hóflegum skiltum, upplýsingum á vefnum og útgáfu sérstakra bæklinga um fornleifar.

Umhverfisstofnun telur, að framangreindu virtu, rannsóknina í samræmi við verndargildi þjóðgarðsins.

Skilyrði

Umhverfisstofnun veitir fyrir sitt leyti leyfi fyrir rannsóknum innan þjóðgarðsins Snæfellsjökuls að uppfylltum eftirfarandi skilyrðum:


- Leyfishafi haldi raski í lágmarki, eins og hægt er.
- Leyfishafi gæti að rannsóknarsvæði vegna utanaðkomandi áhrifa, s.s. vegna lausagöngu búfjár, uppblæstri og öðru því sem tjóni gæti valdið.
- Þjóðgarðsvörður fái upplýsingar um verktíma, þ.e. hvenær verkið hefst og hvenær því lýkur. Vinsamlegast hafið samband við Jón Björnsson í síma 8224056.
- Tilkynna ber þjóðgarðsverði um frávik, ef einhver verða, við ofangreinda rannsóknarlýsingu.
- Umhverfisstofnun óskar eftir niðurstöðum rannsókna að vinnu lokinni og heimild til þess að nýta gögn, t.d. til fræðslu.

Umhverfisstofnun vekur athygli umsækjanda á því að afla tilskilinna leyfa áður en rannsókn hefst, s.s. leyfi Minjastofnunar fyrir uppgreftinum, landeiganda, sveitarfélags eða annarra sem samráð gæti þurft að hafa við.


Eftirlit

Umhverfisstofnun mun hafa eftirlit með rannsóknarsvæði á meðan á rannsókn stendur og frágangi á svæðinu að verki loknu. Eftirlitið verður framkvæmt af þjóðgarðsverði Snæfellsjökulþjóðgarðs og verður það framkvæmt samhliða hefðbundnum störfum þjóðgarðsvarðar.

Umhverfisstofnun innheimtir gjald vegna vinnslu og afgreiðslu umsókna um leyfi til framkvæmda og vegna starfsemi þar sem hætta er á að spillt verði friðlýstum náttúruminum, sbr. 1. mgr. 92. gr. náttúruverndarlaga nr. 60/2013. Gjaldið er kr. 39.400 fyrir leyfi til starfsemi og framkvæmda, sbr. 24. gr. b í gjaldskrá Umhverfisstofnunar, nr. 535/2015.


Svava Pétursdóttir
Lögfræðingur

Virðingarfyllst


Kristín Linda Árnadóttir
Førstjóri